

*Chapelle a beauport*  
1645

le 4<sup>e</sup>. on enuoya vne Chapelle complete a beauport dont le calice estoit d'estain, il fut rompu, & on le refit & reconsacra.

*pain fait a la*  
*maison*

Enuiron ce temps on commença a faire le pain a la maison tant a cause que celuy qu'on nvl faisoit au four du magazin n'estoit pas bon; que parce qu'on se vouloit seruir du blé du päys dont on ne seruoit point au magazin.

*Iour de la Concep-*  
*tion.*

le 8. Iour de la Conception le matin au point du Iour on tira vn coup de Canon, & a l'Eleuãon de la grande Messe trois autres: ie publié le Dimanche d'auparauant Indulgence pleniere, en vertu de la bulle de Paul. 5<sup>e</sup>. qui ê [*i.e.*, est] aux Hurons par laquelle Indulgence pleniere ê accordée à toutes nos Eglises le Iour du Patron ou Titulaire de l'Eglise. Ayant Ieusné la veuille, on ne fit point abstinence le Iour, qui estoit vendredy.

*Commencem<sup>t</sup>. de*  
*saluts, prieres*  
*extraordinaires.*

le 7. premier Ieudy de l'Aduent commencerent les saluts du St. Sacrement avec quatre cierges; le salut consiste aux vespres du Iour, du St. Sacrement a commencer par le pange Lingua. & y adioustant quelques oraisons conuenables aux necessités du temps. Cette deuõon succeda aux Litanies de nõe Dame qu'on disoit tous les Iours a l'issue des messes, & qui dura iusques aux Aduents; on retint toutesfois les Litanies de nõe Dame tous les samedys a l'Issue des messes, dont il y en auoit vne principale qui deuoit estre tousiours de Beata autant qu'il se pouroit, ou avec comme-